



7157

Broj: 06-11-2990/23-4
Ilidža, 31.05.2023. godine

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22) i Zapisnika o pregledu i ocjeni ponuda br: 06-11-2990/23-3 K od 31.05.2023. godine, Općinski načelnik donosi:

O D L U K U O IZBORU NAJPOVOLJNIJEG PONUĐAČA ZA JAVNU NABAVKU BROJ 51/23

I

Prihvata se preporuka Komisije za javne nabavke za JN 51/23 „Izrada PTD rekonstrukcije i proširenja saobraćajnica, rehabilitacija platoa i izgradnje biciklističke staze“ kojom se ponuda ponuđača FM INŽENJERING d.o.o., ul. Latička 14A/2, Ilidža proglašava najpovoljnijom.

II

Ponuđač FM INŽENJERING d.o.o. obavezan je u roku od 7 dana od dana prijema ove odluke Ugovornom organu dostaviti uvjerenja iz člana 45. stav (2) tačka a), b) c), i d) Zakona o javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u Tenderskoj dokumentaciji.

IV

Istovremeno sa dostavljanjem ove Odluke ponuđačima ista će se objaviti na web stranici Ugovornog organa.

O b r a z l o ž e n j e

Postupak javne nabavke broj 51/23 „Izrada PTD rekonstrukcije i proširenja saobraćajnica, rehabilitacija platoa i izgradnje biciklističke staze“ putem otvorenog postupka, pokrenut je Odlukom o pokretanju postupka nabavke broj: 06-11-2990/23-1 od 26.04.2023. godine. Javna nabavka objavljena je na portalu javnih nabavki brojem obavještenja 888-1-2-117-3-94/23 od 03.05.2023. godine. Ponude su blagovremeno dostavili EDI-ING d.o.o., ul. Slavna brdska brigada13, Donji Vakuf, FM INŽENJERING d.o.o., ul. Latička 14A/2, Ilidža i DESIGN&QC d.o.o., ul. Džemala Bijedića br. 25-D, Sarajevo.

Analizom ponuda utvrđeno je da je ponuđač FM INŽENJERING d.o.o. ispunio uslove iz tenderske dokumentacije, odnosno da je dostavio tražene dokaze.

Ponuda ponuđača DESIGN&QC d.o.o. se odbacuje kao neprihvatljiva iz razloga jer cijena iste prelazi planirana, odnosno osigurana novčana sredstva ugovornog organa za predmetnu nabavku. Naime, procjenjena odnosno osigurana vrijednost javne nabavke iznosi 12.300,00 bez PDV-a, a cijena ponude navedenog ponuđača iznosi 14.000,00 KM bez PDV-a.



Ponuda ponuđača EDI-ING d.o.o. se odbacuje kao nepravilna iz sljedećeg razloga: Ponuda navedenog ponuđača je uvezana spiralnim uvezom te osigurana jamstvenikom koji je pričvršćen na strani 1. ponude. Naime, ponuda nije propisno uvezana, odnosno čvrsto uvezana na način da se onemogući naknadno vađenje ili umetanje listova. Prilikom pregleda ponude, Komisija za javne nabavke je ustanovila da se pojedine stranice ponude odvajaju od ostatka ponude zbog lošeg spiralnog uveza.

Ponuda nije pripremljena u skladu sa tačkom 3. Tenderske dokumentacije kojom je propisano „ (...) Ponuda se čvrsto uvezuje na način da se onemogući naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova. Pod čvrstim uvezom se podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelinu i uz to osigurana jamstvenikom čija su oba kraja na prvoj ili posljednjoj strani pričvršćena naljepnicom ovjerenom pečatom ponuđača a u svrhu izbjegavanja manipulisanja stranicama ponude. (...)“

Također, navedeni ponuđač je načinio grešku prilikom pripreme ponude na način da su vršene ispravke numerisanja stranica ponude koje nisu ispravljene na način da su ispravljani podaci potvrđeni potpisom ponuđača i sa datumom izvršenja ispravke. Naime, navedeni ponuđač je ispravku potvrdio samo potpisom ponuđača ali bez datuma izvršenja ispravke što nije u skladu sa tačkom 3. Tenderske dokumentacije kojom je propisano „ (...) U slučaju da ponuđač primijeti da je načinio grešku prilikom pripreme ponude ista mora biti ispravljena na način da ispravljani podaci moraju biti vidljivi, potvrđeni potpisom ponuđača i sa datumom izvršenja ispravke.“

Na osnovu navedenog i kriterija „najniža cijena“, Komisija za javne nabavke utvrdila je konačnu rang listu ponuđača kako slijedi:

1. FM INŽENJERING d.o.o., čija cijena ponude bez PDV-a iznosi 7.100,00 KM

Imajući u vidu navedeno Komisija za javne nabavke predložila je općinskom načelniku donošenje odluke o izboru ponude FM INŽENJERING d.o.o. kao najpovoljnije, čija cijena ponude bez PDV-a iznosi 7.100,00 KM.

Na osnovu navedenog odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

DOSTAVLJENO:

1. Ponuđačima 3x
2. Služba za finansije
3. Kabinet općinskog načelnika
4. Služba za komunalne poslove i infrastrukturu
5. Služba za zajedničke poslove (za objavu na web)
6. a/a

Izradila: Enisa O.M. 

Kontrolisao: Benjamin M. 

